



Inatsisartunut ilaasortaq Kristian Jeremiassen, Siumut
Inatsisartut
/MAANI

Saniatigooralugu aalisartartut tunisisarnerat pillugu § 37 naapertorlugu apeqquut nr. 2012-191-mut akissut

12-09-2012

Suliap nr. 2012-072595
All.Upp.nr. 1006256

Inatsisartut suleriaaseqarneranni § 37, imm. 1 naapertorlugu saniatigooralugu aalisartartut pisaminnik tunisisinnaanerannut tunngasunik apeqquutinik saqqummiussisimavutit. Apeqquutit uannut akisassanngorlugit innersuussutigineqarsimapput.

Postboks 269

3900 Nuuk

Oqa. (+299) 34 50 00

Allak (+299) 34 63 55

E-mail: apnn@nanoq.gl

www.nanoq.gl

Apeqquutit:

- 1: Suna pissutigalugu saniatigooralugu aalisartartut aalisakkanik Royal Greenland A/S-imut tunisisinnaajunnaarpat?
- 2: Naalakkersuisut suliniuteqalersaarpat saniatigooralugu aalisartartut Royal Greenland A/S-imut tuniseqqilersinnaaneratt sulissutigissallugu?
- 3: Saniatigooralugu aalisartartut Royal Greenland A/S-mut tuniseqqittalernissaat qaqaqu naatsorsuutigisinnaavara?

Akissutit:

Saniatigooralugu aalisartartut tunisisinnaanissaannut periarfissaqarnera pillugu apeqquutinnut atatillugu paasititsissutigisinnaavara, saniatigooralugu aalisartartut pisarisaminnik Royal Greenland A/S-imut Kalaallit Nunaanni aalisakkerivinnulluunniit allanut tuniseqqusaannginnerat eqqartorneqanngimmat. Siusinnerusukkut imaassimavoq, tassa Aalisarneq pillugu Inatsisartut inatsisaat § 6 naapertorlugu, saniatigooralugu aalisartartut tunisisarneri unitsinneqartarsimmata, assersuutigalugu sioqqutsilluni soraarnerussutisialinnut. Aalajangersagaq naapertorlugu inuussutissarsiutinut tunngasutigut aalisarneq, tassa tunisinissaq eqqarsaatigalugu aalisarneq, taamaallaat inunnit aalisarnermit piniarnermilluunniit 50 %-imik isertitaqartartunit ingerlanneqarsimavoq.

Taamaattorli aalajangersakkap ilaa qulaani eqqaaneqartoq kingusinnerpaamik Aalisarneq pillugu Inatsisartut inatsisaata allanngortinneratigut atorunnaarsinneqarpoq (22. november 2011-meersumi allannguneq). Allannguneq taanna eqqartorneqartoq 1. januar 2012 atuutilerpoq, taamaasillunilu 2012-mi saniatigooralugu aalisartartut tunisisinnaanissaannut ammaassisooqarpoq, apeqquutaatillugu tunineqartup suussusaa tunisap pisassarititaanera annertussusissalerneqarsimangippat imaluunniit killilersorneqarsimangippat.

Taamaattorli saniatigooralugu aalisartartut Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 16, 22. december 2011-imeersumi § 3 naapertorlugu pisiortortumut tulaassuisut tulaassuinermit nalunaarummik atsiorsimasumik tunniussaqaassapput.

Malugeqqussavarali, pisiortortoq, inatsisit naapertorlugit namminersortutut ingerlasoq, namminersortuniit aammalu inussutissarsiutigalugu aalisartuniit pisisimasat tigoorar-sinnaanissaanut pinngitsaalineqanngimmat, imaappat aalisakkat pitsaasuuneri, tassa-nilu suliarisimani/poortorsimani aamma saligaatsuuneri pitsaanngippata.

Aammattaaq Fødevarestyrelsen paasititsissutigaa pisisat avammut nioqqutigineqas-sappata, aammattaaq saniatigooralugu aalisartut angallataasa – soorlulu inuussutis-sarsiutigalugu aalisartut angallataasa – tunisineri pitsaassutsimut eqqiluisarnermullu piumasaqaatit naammassisimassagaat.

Inuussutissarsiutigalugu aalisarnikkut isertitanut piumasaqaat soorlu eqqaaneqareersu-tut aatsaat 1. januar 2012 atorunnaaraluortoq, KANUAANA-p paasissutissiissutigivaa, 2012 sioqqullugu sinerissami piffinni ataasiakkaani imatut suleriaaseqartoqarsimasoq, inuussutissarsiutigalugu aalisartuunngitsut aamma tunisisarsimasut. Aammattaaq paa-sititsissutigisinnaavara, saniatigooralugu aalisartut 14-nit tunisineri taamaallaat KANUAANA-mut 2012-mi nalunaarutigineqarsimasut. Taakku annikitsuinnarmik killi-lersugaanngitsunik tunisisarsimapput, soorlu qeeqqat, uukkat suluppaakkallu.

Tunisisarnerit taakku nalingi aningaasaqarnikkut (BNP) nunap naalagaaffimmi tunisat ataatsimut nalinganut imatut sunniuteqanngillat, kisiannili saniatigooralugu aalisartu-nut ataasiakkaanut (soorlu sioqqutsilluni soraarnerussutisiallit) soorunalimi aningaasa-qarniarnerannut ilaatigut sunniuteqarsinnaapput.

KANUAANA-p ilisimavaa, sinerissami sunngiffimmi aalisartut tunisisinnaanissaat pillugu annertuumik nalornisoqartoqartoq.

Aalisarnermut, Piniarnermut Nunalerinermullu Naalakkersuisoqarfiup piaartumik suliniu-tiginiaarpaa, nittartagaq Sullissivik-mi malittarisassat erseqqissarneqarnissaat. Peqa-tigisaanillu pisiortortartunut kaajallaasitamik nalunaaruteqarniarluni, qanoq malittarisas-sat erseqqissarneqassanersut. Naatsorsuutigaara tamanna paatsooqatigiittarsinnaa-nermik piiaaqataasinnaajumaartoq.

Inussiarnersumik inuulluaqqusillunga

Ane Hansen